



Kublanje za trajne wuwice běše tema, kotraž wučerjow, kublarjow a studentow pedagogiki kaž tež dalšich zajimcow wčera a džensa zajimowaše. Serbske šulske towarstwo a Domowina běštej na swoju 3. fachowu konferencu „RěčMy“ do bróžnje klóštra Marijina hwězda w Pančicach-Kukowje přeprsoyto.
Foto: Hanka Šeńec

Wobstajna namołwa – rěčmy!

Na konferency Serbskeho šulskeho towarstwa tež słowoskład rozšěrili

Pančicy-Kukow (SN/MiR). Kublanje w zmysle naslědnosće bě tema 3. fachoweje konferency **!RěčMy!** w bróžni klóštra „Marijina hwězda“ w Pančicach-Kukowje. Zmysl zarjadowanja wo podatej temy běše, přitomnym wobsahi poskićeć, z kotrymiž móža šulerjow za to wukmanić, naslědnje myslić a jednać. Serbske šulske towarstwo je zhromadnje z Domowinu wčera popołdnu w přemim rjedže wučerjow wšěch lětnikow, referendarow, socialnych pedagogow a studentow pedagogiki přeprsoyto. Džensa dopołdnja mjerješe so wěcowny diskurs na kublarjow w pěstowarnjach a hortach, na nawodow kublanišćow a wučomnikow.

Kublanska rěčnica Domowiny Katrin Suchec-Džišlawkowa witaše přitomnych z nadžiju na wšitkich zajimowacy wobsah. Předsydka SŠT Katharina Jurkowa džakowaše so ekspertam za sposrědkowanje wědy. Dale wupraji tež sakschemu kultusowemu ministerstwu a krajnemu zarjadowatej za šulu a kublanje za wobsahowu a finančielnu podpěru kaž tež sobu-

dželaćerjam klóštra, kotřiž su so wo derjeměće přitomnych starali, swój džak. „Sedžimy tu takrjec na rěčneje kupje. Mam to w stawiznach za paradoksnje, zo smy so tudy, najebać wšitke zawěry, přez lěttotki zachowali. Tuž mamy so po hesle konferency: RěčMy, přetož to je, štož nas doprědka čěri.“

Jednaćel SŠT Andreas Ošika zwurazni, zo je jedna z hłownych mysłow kublanja za naslědne wuwice (BNE), změny akceptować a to w kublanju zakótwić. „Zdobom je to nadawk kóždneho jednotliwca, so z perspektiwu zaběrać“, dale wuložuje.

Nimo přednoškow němskeju fachowčow, překwapi poskitk serbskeju studentow wučerstwa, kotraž studujetaj na uniwersite w Lipsku předmjetaj serbsčinu a towaršnowědu. Aleksander Čornak a Sophia Brězanec zběraštaj w běhu zarjadowanja zapriječa, kotraž njejsu w serbskim kontekście dotal dosć znate abo kotraž so na jednore wašnje do serbsčiny přeložić njehodža. Při tym so wujewi, zo mějachu přitomni cyle wšelake warianty

zserbsčenyh němskich słowow do serbsčiny. W běhu přednoškow lisčinu ze slyšanymi słowami wudospołnještaj. „Tema je mje zajimowaala, dokelž sym w přeložku towaršnowědných wobsahow do serbsčiny zwěsćił, zo tež mi wšitke słowa znate njejsu“, Aleksander Čornak zwurazni. „Smój zwěsćiłoj, sy-li nuzowaný so z předležacymi fachowymi terminologijemi zaběrać, zo drje hodža so zapriječa přeložić, ale njejsu we wšědnym słowoskładže zakótwjene“, rjekny Sophia Brězanec. Wonaj radžita wučerjam a kublarjam je wužiwać, wosebje pak sej słowa přiswojić a je wšědnje nałožować.

Na to mějachu přitomni składnosć wšelake džělarnički wopytać. W kuchni žiwjenskeho centruma su so na cyle praktiske wašnje ze strowymi žiwidłami zaběrali. Dalšej temje běštej resursowu management w Boliwiskej a situacija w Sakskej, nastupajo wudobywanje zemskich pokładow, wobswětowy mobil Planaria kaž tež hry, zaběrace so z ekologiškim wotčišćom nohi abo ruki.